

黃帝陰符經十真集解下

強兵戰勝演術章

正陽帝君曰強者康健之稱兵者禦戎之器德經曰益生曰
祥心使炁曰強易曰天行健君子以自強不息言體天德純
陽之道統御羣生以心為主以炁為兵君主無為無不治矣
此乃清靜無為之道以道降魔罔有不克故曰強兵戰勝
純陽帝君曰聖人立法本要除邪治亂理國安民豈能施籌
運略講武興師驅役生靈殺害性命招兇積孽禍殃子孫且
如孫吳韓白用陰毒之機鬼賊見解白骨邱山血流河海致
使羣生長撓帝王多憂豈為功臣大略乎故五千言曰以智

道藏輯要

陰符經十真集解

五

斗集六

治國國之賊不以智治國國之福又曰夫佳兵者不祥之器
是以陰符列為下篇

華陽真人頌曰善行無迹號強兵禦寇除戎即是兵對境忘
心呼戰勝如斯修治國安榮

清虛真人青霄樂云心為君將炁為兵慈作旌旗慧作營戒
鼓定籌仁義甲儉恭糧草德安寧溫良謙慎乘車馬忠信清
廉號令行孝悌善和排列陣魔軍一擊便歸盟

替者善聽聾者善視絕利一源用師十倍三反晝夜用師萬倍
至一真人曰替聽聾視緣專一也是以稱善但能專一精誠
舉事用機十全利益就中更能三思反覆經晝歷夜又比常

情利益萬倍

赤松子曰師心也凡百舉止皆起於心心神精一罔有不遂
海蟾真人頌之曰瞽聽聾觀必至誠一源絕利聖人情用時
晝夜明三反精血相交藥自成

清虛真人蘇幕遮云瞽祛明聾滅聽絕利行師十倍通神聖
萬法不離方寸謹守天和卽此爲修真但虛心神必靜虛靜
之中道炁來歸正三反明時先務本精血相交丹藥憑鉛汞
心生於物死於物機在目

子房真人曰生死之機在於物成敗之機見於目

西山真人曰道德之士心不妄生機不妄動下愚之徒貪婪

道藏輯要

陰符經十真集解

六

斗集六

萬物欲資於身反被萬物所盜而傷正性是心生於物死於
物也

葛仙翁曰知足不辱知足不殆可以長久愚人動生妄心加
於萬物皆因目覩而心生故曰機在目也

赤松子曰機在目者令人戒慎其目勿妄視也故太上曰不
見可欲使心不亂是也

子房真人頌曰心生萬物景牽纏富貴貪求孽火煎心主杳
冥神不散自然道體合先天

至一真人臨江仙云心起心生因物景忘機景物皆泯經云
塞兌閉其門聖人言句妙達者自延齡吾家玄道知之者貴

家安國修身恬然烹鍊守精神悟來機在目心目兩俱明
天之无恩而大恩生

子房真人曰天无心而恩於萬物萬物有心而歸恩於天故
五千言曰天地不仁以萬物爲芻狗聖人不仁以百姓爲芻
狗謂施而不責其報生而不有其功

西山真人曰於无心是謂无恩惟清靜者物不能欺則曰大
恩生矣

子房真人頌曰天炁无恩不化生三田留得變瓊珍陰陽醞
造升天藥此是无恩生大恩

葛仙翁西江月云自己天真謹守无心卽是无恩順行陶鑄

道藏輯要

陰符經十真集解

七

斗集六
三〇〇上

結爲形返本還源是本在欲无恩不化三田變作瓊珍无恩
何以大恩生一粒金丹壽永

迅雷烈風莫不蠢然

子房真人曰迅雷烈風威遠而懼邇萬物莫不蠢然而畏之
天本不威物而自懼而歸天下一如聖人行賞也无恩而有
功行罰也无威而有罪賞罰自立於上威恩自行於下也

西山真人曰洊雷震君子以恐懼修省隨風巽君子以申命
行事

華陽真人曰至如軍旅若能如此上威下懼必能定亂除邪
故曰下有強兵戰勝之術

赤松子頌曰風雷鼓動應時行造化爭馳萬物生兵令信行
依法則翦除兇暴得安甯

清虛真人白鶴子云時假風為馭全憑雷作輪宣揚天號令
壯觀兩精神震徹重泉脈驚回萬谷春何當用威武一技靜
邊塵

至樂性餘至靜則廉

子房真人曰機在目

赤松子曰性陰也樂則奢餘而陰盛靜則正廉而神清

葛仙翁曰夫聖人者不淫於至樂而愛於至靜能棲神於靜
樂之間者謂之守中夫如是則勢利不能誘聲色不能蕩辯

道藏輯要

陰符經十真集解

太 斗集六

士不能說智者不能動勇者不能懼見福於重關之外慮患
於冥冥之內天且不違而況於兵之詭道哉

華陽真人頌曰至樂无如至靜心不沾塵垢去奢淫功成行
滿金丹畢方表陰符旨趣深

純陽帝君蘇幕遮云守虛柔安正性養育陽魂卻在心源靜
浩炁冲和神必聖以道除邪萬景皆消泯此兵行陰魄殞法
陣慈幢往吉來還勝不比凡情用機倖引孽招冤枉把生靈
損

天之至私用之至公

子房真人曰天地氤氳是至私也萬物化生是至公也

純陽帝君曰天下有始以爲天下母是至私也既得其母以知其子既知其子復守其母是至公也

赤松子曰天地生成萬物萬物負陰至私也而抱陽至公也明公私之道者其知神之所爲也

正陽帝君頌曰天地氤氲象至私生而不有至公時用之至公用南北使之神聖使東西

純陽帝君望江南云通大道天地悉皆通有用用中无作用无功效裏有神功升降永无窮玄與牝造化合真空天地合時甘露降法機幽顯若私公還返是朝宗

禽之制在炁

道藏輯要

陰符經十真集解

九

斗集六

清虛真人曰虛化神神化炁炁強者制物而弱者制於物故曰禽之制在炁也

西山真人曰禽鳥尙能乘制清虛之炁心動翅鼓翱翔於雲霄之間上下盡中於己况人爲最靈而不修乎若能善用天機道德之炁固躬保命以致長生而非難矣

華陽真人曰炁者生之元也善攝生養炁者雖至強之兕虎至堅利之甲兵吾足以勝之而况於至物乎

海蟾真人頌曰禽制先須伏虎龍自然萬物總依從先生訣與通靈術攢捉陰陽掌握中

至一真人滿庭芳云魂魄東西精神南北此中別有玄玄道

无形迹分割略微言血是朱砂汞寶精爲物神水銀鉛汞加
處中宮匹配恩愛結因緣崑山通碧海先鍊已返本還元遇
明珠九曲絲蟻能穿採得蟾宮兔髓憑師匠和合烏肝當禽
制三千行滿高步赴蓬山
生者死之根死者生之根

清虛真人曰謀生者先生而後死習死者先死而後生
子房真人曰謀生者景物牽纏勞神役炁貪求榮富孽火焚
燒殃極禍踵不死何俟習死者心冥冥兮无所知神怡怡兮
无所之炁熙熙兮无所爲萬慮不能感求死不可得長生之
門於斯可致

道藏輯要

陰符經十真集解

三

斗集六

葛仙翁頌曰生門死戶少人知運用抽添在坎離二八消時
陽炁長九三榮處定精微

至一真人白鶴子云若覓神仙道先當識本根心生神必散
境滅慧還清天地爲爐鼎陰陽作炭薪鍊成无上藥功滿去

朝真

恩生於害害生於恩

正陽帝君曰恩者害之源害者恩之流

純陽帝君曰本因恩炁而生不能慎守天真漂浪愛河流吹
慾海是恩中生害害生於恩也

西山真人頌曰當時恩炁本身生非理施恩害卻生謹守慎

終能若始還丹修就鬼神驚

赤松子臨江仙云夫婦深誠相眷戀常流認此爲恩誰知恩裏害還生欲忘恩自滅恩滅害无根子嗣源因恩結恩多反害身形能修恩烝養成珍三千功行畢朝禮玉宸尊

愚人以天地文理聖我以時物文理哲

子房真人曰天文者日月星辰雷雨風雲也地文者山海金石草木鱗羽也愚人見景星祥雲清風甘露醴泉嘉穀麟鳳芝蘭皆爲喜悅或觀日月薄蝕四時乖序彗星妖暎水旱災蝗驟雨狂風天昏地震惕然畏懼恐禍及身觀此天地文信以爲教化省愼悛修自凡之聖故曰理聖

道藏輯要

陰符經十真集解

三

斗集六
川文十一

海蟾真人曰軒轅氏製陰符將畢先舉愚人用天地文理之成聖然後自謙之曰我以時物之文理之作哲謂後其身而身先也

西山真人曰時物文者人事也言不必觀視天文玄象但常以善道隨時應物縱有災怪出現不爲害

赤松子曰理於賢人亂於不肖體天法道合節依時以此理修革凡作哲陰盡純陽真道乃畢

正陽帝君頌曰玄象高明示吉凶愚迷悛理亦成功但隨時物行真善日月无窮道自通

純陽帝君滿庭芳云大道昭然明休咎吉凶懲警凡夫悟來

俊省修慎卽无虞禍福惟人自召觀世物方顯榮枯臨機應
常行德善殃厄永消除陰符然義簡文微旨密提挈迷愚放
神光煒燁照燭昏衢抱一丹成國富民安泰神樂清虛強兵
勝純陽鍊就飛步入玄都

道藏輯要

陰符經十真集解

三

斗集六
文十一

正一天師清微弟子洪百堅製作

道教學術資訊網